



Kerneier Lyrik

Seite 1

Bauern, Bauernsprüche, Essen

Bauernsprüche

Lichtmeß, s' Spinne v'rgess am Tag's Nachtgess.
Dr Fuchs v'rliert die Haar, awr die Naupe nett.
Benedikt macht die Zwiefl dick.
Phedr und Phaul macht die Warzl faul.
Nassr April, kielr Mai, gibt viel Frucht un Haj.
Gertraud is die erscht Summerbraut.
Wie dr Herr so's Gscherr.
Haale, haale Gänsedreck, bis marje Fruh ist alles weg.

Zur Schlachtenszeit

Ich hab g'hört, ihr hätt gschlacht
Un hätt so gudi Werscht gmacht.
Ich hab sie heere soode,
Ich hab sie heere broode.

Dr Schlachtr hott a lapaarichr Hut,
Drum schmecke die Werscht so gut.

Kiechl raus, Kiechl raus, odr ich schlag a Loch ins Haus.

Gebt'mr a Stickl Rippe, fiehr ich eiere Katl zur Krippe,
Gebt'mr a Stick Plunze, fiehr ich eiere Madl br...
Gebt'mr a Stickl Werschtl, noot bin ich eirem Madl sei' Berschtl.
Gebt'mr a Gläsl Wei', noot kumm ich zu eich rei'.
Gebt'mr a Stickl Speck, noot geh ich vun eirem Fenschtr weg.

Metzlsupp... von Peter Gärtner

Jaa, die Metzlsupp v'rgess ich nie!
Des waichi Ruckmaasl mit Sooß un Grie'.
Des g'broodeni, fetti Schweinsbraadl
Vun dr Rippe un Karmenadl,
Die dinne un die dicke Wärscht
Un's Sarmekraut am allererscht.
Die viele Schmalzkiechl jedes Jahr,
Ei'g'zuckrt un gfillt mit Kwetscheleckwar.
Dr gudi starki Fichslwei'
Un dr Sifon was'mr henn nei'.
Dr feini Gruch im ganze Haus,



Kerneier Lyrik

Seite 2

Bauern, Bauernsprüche, Essen

Mr hott's gschmeckt bis uff di Gasse naus.

S' Saumäsche war a gutes Gschäft... von Peter Gärtner

S' Saumäsche war in Kernei a gudes Gschäft
In jedem Haus hott'mr die Sei gfudrt am allrbescht.
Des war jo bei uns ka Kunscht,
S' Fresse hem'mr doch ghat umesunscht.
Mr brauch drzu nett g'scheit sei' un nochdenke,
Nar allweil zu dr Zeit fudre un tränke.
Kukruz ei'waiche un schroode geh,
Ruweblättr roppe un Klee mäh'.
Täglich die Sauställ sauwr ausmischte
Un frisches Stroh hole an dr Strohtrischte.
Des waar doch ko schweri Arweit
Un war far uns Kerneier a Kloonichkeit.
Die Seichle hem'mr als kaafe misse,
S'Geld drfar war awr nett nausgschmisse.
Beim Seiabfiehre im Sbootjahr,
Hem'mr s'dreifachi ei'gnumme in Dinar.
Oons hab ich'mr fescht vargnumme,
Wann's nochmool soll anrscht kumme:
Ich tu noot widdr oo'fange Sei mäsche,
Des is far uns gwiss, am allrbeschte.

Das schmeckt so gut ... von Peter Gärtner

Bohnesupp un Maakkulatsch,
S'Unrschti vum Paprikasch.
Wam'mr Leckwar rieht
Un fingerdick uff's Brot druflschmiert.
Frisches Brot mit Salz un Griewe,
Dodrzu dr neii Wei' noot prowiere.
Was gut war un leicht zu v'rrode,
Gänsschenkl krischtlich g'broode.
Noch bessr, mr hott paar Ajer oo'griert,
Die Schenkl s'erscht drinrum hott gschmiert.
Blut un Brotwärscht, kalt odr warm,
Die henn alli gern gesse, reich wie arm.
Freitags Maak- odr Käsnudle
Odr zur Noot a terri Strudle.
Zum Fruhstuck Gänslawr g'broode,



Kerneier Lyrik

Seite 3

Bauern, Bauernsprüche, Essen

Awr nett freitags, des war v'rbotte.
Rachfleisch so noch am Schlachte,
Des war aa nett grad zu v'rachte.
Iwrhaupt wam'mr mool gschlacht hott ghatt,
Tepsikrumbiere mit ohme Schungeblatt.
Was noch g'schmeckt hott un appetitlich war,
Im Hochsummr un a im Sootjahr:
Vun jungi Hingl un Gokeschle
Ei'gmachti Supp mit Fleckrle.
Was noch g'schmeckt hott ohne Hungr:
Grierti Tart, des is jo a ko Wunnr,
Weil Kulaatsche un gudr Wei'
Schmeckt aa zwische durch un zwischennei.

S' Kerneier Esse, wie sich des reimt... von Nikolaus Schnauffer

Ich ess a gern dr Reisbrei,
Do war ich allmool drbei.
Boxhärndlnudle, die henn'mr gut g'schmeckt,
Dreimool haw ich'mr rausgscheppt un noch dr Tellr ausgschleckt.
Schweinsbratl is's beschti Fleisch,
Des esse alli Leit gern, wie ich weiß.
Dr Hinklpaprikasch is aa a gutes Esse,
Wer'n gern esst, der loßt sich's gut schmecke.
Maaknudl is oons vun meinr Lieblingsspeis,
Wann ich nar droo' denk, werd's'mr schun heiß.
Gfillti Paprika steh' uff am Tisch do,
Die ess ich gern, un sag aa nett noo.
Gut un kräftich is's Sarmakraut,
Do losst'mr dr Bauchrieme nooch un werd rei'ghaut.
Grii'kraut wie bischt du schee grii,
Des muss'mr esse, des hott viel Vitami.
Krumbiere un Nudl is a gutes Esse,
Des derf'mr nett v'rgesse.
Schuppnudl, „Buuwe-Spätzle" hott unsr Mottr gsagt,
Die hem'mr gern gess un drbei glacht.
Krumbieresupp un Pannekuche drzu,
Ja, do is'r grennt kumme, mei' Buu.
Zigeinersupp klingt nett schee,
Awr gut is si, die losst sich seh'.
G'dinschti Kneedl sin schwer,
Do werd dr Maage nett so gschwind leer.



Kerneier Lyrik

Seite 4

Bauern, Bauernsprüche, Essen

Falschi Rindsupp, do schmiert'mr sich oo,
Weil'mr suchts Fleisch noch dr Supp, awr's is kons do.
Fischpaprikasch mag ich nett,
Weil's gar so komisch schmeckt.
Grießnudl un Kerschedunsch,
Des ist oft mei' Lieblingswunsch.
Zigeinerspeck, a Brot un a Litr Wei',
Was kann do noch bessr sei'.
Krischtliche Krumbiere un Schweinefleisch,
Des is ganz schee kalorienreich.
Rindspaprikasch is kräftich,
Mr esst'n aa regelmäächich.
G'faschirtes un Krumbierebrei,
Do wart'mr nett lang un sin glei drbei.
Ruckmaaslsupp, do hott'mr sich schun gfreit,
Do war'mr a zum Esse bereit.
Saukopp un Tepsikrumbiere, des war fei',
Un wam'mr noch ghat hott, drzu a Glas Wei'.
A Umgriertes, warum nett,
Des hott a gut gschmeckt.
Ja, ja, dr Kerbsebrei,
Do war ich beim Esse nett drbei.
Krautkneedl hott's gewe, hie'- un do,
Griss haw ich mich nett drnooch so.
G'sund is's Kalbfleisch,
Drzu noch a g'dinschtr Reis.
G'backini Aajr sin kräftich, un ich sag,
Des schmeckt gut un'mr kriegt satt.

Var am Mittagesse... von Peter Gärtner

Gnau um zwelf Uhr hott'r
Kerche-Vatr Mittagglitte,
Die Lehrbuuwe henn noot dr
Hammr hieglegt in dr Schmitte
Un dr Leddrscharz an dr Türstock hie'ghänkt;
Während dere Zeit henn sie
Nar noch an's gudi Esse g'denkt.

Die Knechte sin noot aa an
Dr Brunne hie'grennt,
Henn's Gsicht gwäsche, awr



Kerneier Lyrik

Bauern, Bauernsprüche, Essen

Varher erscht die Händ.
Die Kinnr hott'mr alli
Gschwind hoomgrufe,
Meischt hott'mr die uff dr Gass
Erscht misse suche.

Die Weibslait henn gsargt
Fars Mittagesse,
Die Mannslait henn dr
Wei' ruffhole messe.
Wann alli in dr Stub waare,
Sin sie an dr Tisch hie'g'trett
Un alli mitnand henn sie noot
Oo „Vaatronser" laut g'bett.

Dr Ältschti hott noot dr
Laibrot oo'gschnitte,
Vaarher awr drei Kreuze
Gmacht in die Mitte.
Die Große un die Alte henn
Alliritt Wei' g'trunke,
Un die Kinnr henn am liebschte
In dr Phann drin rum g'tunke.
S'waar Sitte un Brauch drhoom,
Des derf'mr nett v'rgesse,
Alli, wu im Haus waare,
Henn an oo Tisch messe.
Obs dr Herr waar, die Frau,
Die Tochtr odr dr Soh',
Die Knechte, die Menschr,
Groß odr Kloo'.
Am Tisch un in dr Kerich
Waare alli gleich,
Ob oons arm war odr reich.
Unnrschied hott's do nett gewe,
Des wer jo a Schand gwest
Fars ganz Leewe.

Beim Kukruzscheele... von Peter Gärtner

In ohme manche Jahr,
Wann als schlechtes Wettr war,



Kerneier Lyrik

Bauern, Bauernsprüche, Essen

Hott'mr dr Kukruz gschwind zammegrise,
Hoomgfaahre un in dr Gang gschmisse.
Ooweds s'Stallicht uff die Saul gstellt
Noot hott'mr dr Kukruz gscheelt.
Awr nett die Riesaare alloonich bloß,
S' Mensch, dr Klooknecht- un dr Groß.
Die Beierin un dr Baur sin a kumme,
Die Kinnr henn aa Platz gnumme.
Dr Großvatr un die Großmottr henn aa nie gfeht
Un henn allweil fleißich mit Kukruz gscheelt.
Nochbrsleit waare als do un gudi Bekannti
Odr ganz noochi V'rwandti.
An dr Kukruzhaufe henn sich alli hie'gsetzt,
Ob ohn's kloo, groß, arm odr reich is gwest.

Kukruz, wu v'rschimmlt war un oo'gfresse,
Den hott'mr allweil far die Ross extra messe.
S'scheeni Bascht hott'mr in dr Karb gschmisse,
Des henn die Weiwr noochher noch gschlisse.
Drbei henn die Leit gsungen un schie v'rzeelt,
Un drbei fleißich Kukruz gscheelt.
Dummheite un Kartzweil gmacht,
Manchsmool aa herzhaf glacht!
G'kochtr Kukruz henn sie gesse drbei,
Dr Baur is vum Kellr kumme mit ohnre Flasch Wei'.
Noot is's erscht luschtich waare un schie,
Die Leit henn gar nett welle hoomgeh'.
Gscheelt und v'rzeehl henn sie bis in die Mittrnacht,
Um zwelf Uhr henn sie als Feirowed gmacht.
Dr Knecht hott noot s'Stallicht ausg'bloose,
Noot sin die Leit hoomgange zum Schloofe.

**Gscheit waare sie schun,
die Kerneier Ross...** von Nikolaus Schnauffer

Mr soll gar nett glaawe,
Wie gscheit die Kerneier Ross waare.

Wann dr Knecht in dr Fruh hott gfudrt un ausgmischt,
Un sie noot gstrigt, g'berscht un abgwischt.

Do henn die Ross schun gwisst,



Kerneier Lyrik

Bauern, Bauernsprüche, Essen

Jetzt ruft die ARWEIT's-Pflicht.

Erscht hott'mr dr Waage hergericht,
Un die vier Radachse mit Waageschmier gstrich.

Dass die Räder gut gleite,
Um des Trucke were zu v'rmeide.

Un was laad'mr jetzt uff dr Waage uff,
Die Eeg, die Schlaaf, s'Plugskerchl un dr Plug.

Hinne am Schraagl, die Walz oo'ghenkt,
Un was kummt noch, do hott'mr noochg'denkt.

Ja Haj un Kernfuudr far die Ross,
Des brauch ich jo aa noch.

S'Loogl voll Wassr,
Dass'mr nett v'rdarscht.

Dr Brottanischtr un s'Fuudr v'rstaut'mr noch uff am Waage,
Noch oons nett v'rgesse, un was mitnemme zum Raache.

Un noot hott'mr s'Rossgscher uff die Waagedeichsel ghenkt,
Die Ross rausgfierht un am Droog g'tränkht.

Ja un noot sind die Ross eingespannt,
Des is jo dr Ross ihre Arweitgwand.

S' Mensch hott am Knecht s'Taar uffgmacht,
Un er hott're noch zuglacht.

Un so fahrt'r raus aus am Haus,
Uff's Feld weit, weit hinaus.

Wie're aus am Darf kumme is,
Henn die Ross schun dr Weg gwisst.

In dr Gwanneweg hott'r dr Waage lings ei'gwend,
Do henn die Ross dr Weg uff's Feld schun g'kennt!

Dr Knecht sagt, jetz wer ich mool oo'raache,



Kerneier Lyrik

Seite 8

Bauern, Bauernsprüche, Essen

Die Ross henn schee, im Schritt g'zooge dr Waage.

Am Gwanneweg entlang,
Ob die Ross uff's Stick finne, do bin ich gspannt.

Alloonich henn sie uff's Stick gfunne,
Gscheit sin sie, des waar'ne glunge.

Die Ross diene dr Leit,
Zum arweite sin sie aa b'reit.

Un gut b'handlt sin sie schun warre,
Un so henn sie aa brav g'zooge dr Karre.

Jo, do hott'r oo'gfange zu ackre dr Knecht,
Un die Ross henn g'zooge dr Plug un gar nett schlecht.

Bis Mittag waar'e fertich mit ackre,
Un die Ross misse jo aa a bissl raste.

Noch am tränke und fuudre waar'e sie beim Haj-Fresse
Un dr Knecht beim Mittagesse.

Noochher hott'r geegt, gschlaaft un gwalzt des Stick
Un zum Oo'baue waar's noot fertich.

Um vier Uhr waar'e fertich mit dr Arweit
Un do driwr hoot'r sich gfreit.

Dr Hoomweg far die Ross waar nett schwer,
Was will'mr vunn'e noch mehr.

Drhoom die Ross v'sargt un gut's Nachtgess
Un schun waar die Taag's Arweit v'rgess.

Ooweds geht'mr a bissl in's Wertshaus nei'
Uff oo'-zwaa Gläsl Wei'.

In dr Fruh muss'mr zeitlich uffsteh'
Un so muss'mr droo' denke an's Hoomgeh'.

So end a Tag widdr mool in Kernei



Kerneier Lyrik

Seite 9

Bauern, Bauernsprüche, Essen

Un'mr will halt beim Leese aa a bisl drbei sei'.